



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Descriptionis Matrimonii Form. VIII.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

ADNOTATIO.

OCCASIONE VISITATIONIS. Fit in Formula talis expressio, ut recordetur Episcopus, quod ne Subditi graventur, conveniens est, quod hoc Sacramentum ministraretur occasione visitationis locorum Diocesis: Pro quo ministrando, nec à Clericis, nec à Laicis procuracionem exigere minimè potest, quia est proprium officii Episcopi confirmare, ut communiter tradunt Barbof. *de Offic. Episc. alleg. 30. n. 10.* & alii, quos allegavi in *Adnotat. ad Formul. II. Edicti Visitationis num. 19. Sac. Congregat. Concilii in Amalphaniana 18. Julii 1699. in responsione ad primum, & secundum.*

Descriptionis Matrimonii.

FORMULA VIII.

SUMMARIUM.

- 1 Parochi presentia in matrimonio debet esse non tantum physica, & materialis, sed moralis, & cum advertentia, ac intelligentia, etiamsi Parochus data opera affectando non intelligeret, & n. 2.
- 3 Matrimonium est nullum si Parochus non percipit sensu consensum utriusq; contrahentis, & reprobatur Rot. & n. 4.
- 5 Benedictio Sponsorum quando sit danda.
- 6 Parochus, quæ advertere debet in descriptione partium matrimonii.

EGO N. Parochus Ecclesiæ N. hujus Civitatis (vel loci) N. factis tribus sollemnibus, idest die... quæ fuit Dominica 2. mensis... secunda die Sancti N. & tertia die... in hac mea Ecclesia super Matrimonio contrahendo inter N. & N. nulloque detecto impedimento, eisdem N. Viro, & N. Muliere interrogatis, & eorum mutuo habito consensu & intellecto, eos per verba de presenti in eadem Ecclesia, servata forma à Sac. Concil. Trid. præscripta, solemniter in Matrimonium conjunxi, ibidem presentibus N. N. & N. N. Testibus, mihi benè cognitis de loco N. qui Conjuges post celebrationem Missæ *Benedictionem* in Missali, & Rituali Sponsis præscriptam à me receperunt.

ADNOTATIONES.

HABITO CONSENSU, ET INTELLECTO. Præsentia Parochi, quæ in Matrimonio vigore dispositionis Concil. Trid. exigitur, non debet esse tantum physica, & materialis, seu virtualis, sed moralis, & humano modo cum intelligentia, & advertentia rei quæ agitur. Aliàs enim si Parochus præsens non adverteret, & non intelligeret, & humano modo consensum mutuum contrahentium non perciperet, non posset esse Testis (de quo confidit Ecclesia) contracti Matrimonii, & per consequens matrimonium non esset validum, ut communiter firmant Theologi, ac Canonistæ, & præsertim Abelly *Theolog. Moral. tit. de Matrim. sect. 2. n. 3.* Boss. *de Matrim. cap. 3. §. 1. num. 2.* Cabassut. *in notit. Eccles. ad Concil. Trid. num. 55.* Cened. *Monacelli Form. Pars I.*

pract. & Can. quest. lib. 1. quest. 30. num. 33. Ciarlin. *controv. 131. num. 61. & seqq.* Sanch. *de matrim. lib. 3. disp. 39. n. 1.* cum aliis pleno calamo allegatis à D. in Urbe docto Advocato Ursaya in ejus *Dissert. seu tract. de matrim. §. 11. num. 8.*

2. Quæ juris propositio vera est, quamvis Parochus data opera affectaret non audire, si re vera non audit, nec consensum aliunde non percipit: Quia (ut mox dicebam) cum Parochus in matrimonio adhibeatur non tamquam minister, sed tamquam Testis magnæ auctoritatis, Fagnan. *in cap. Quod nobis num. 54. de clandest. dispens. & in cap. Litteræ num. 24. de matrim. contrahen. contr. interd. Eccles. Piafec. prax. Episc. part. 2. cap. 4. de matrim. art. 4. num. 18.* Sabell. *verb. matrimonium num. 2. vers. Quod possit probati, Rot. decis. 375. part. 11. recent.*

3. Hinc oritur, quod, si consensum

T ver-

verbis, aut signis expressum contrahentium non intelligit, nec percipit, non poterit testari Matrimonium fuisse contractum, licet si affectasset injustè, & sine causa, peccaret, & punire, posset, ut eruditè, solidèque probat *d. D. Ursaya*, & cum eo alii duo insignes in Urbe Theologi nempe P. Calistus Lodigerius Ord. Servorum, & P. Liberius à Jesu Ordinis Carmelit. Discalceat. quorum *Dissertationes reperiuntur impressæ post d. tr. D. Ursayæ de Matr.*

4 Et est contra sensum Rotæ in *Romana Matrimonii* 4. Februar. 1697. coram Ursino, in publicatione Voti, quod *Sacr. Cong. Conc. in d. Causa exquisierat* 17. Novembr. 1696. *expressum*, in quo videtur approbata conclusio, quod, si Parochus data opera affectet non audire, quamvis non intelligat adhuc Matrimonium sustineatur, & quod tunc sufficiat præsentia materialis. Quam tamen improbavit eadem Sac. Congr. 6. Martii 1700. in propositione Dubiorum Matrimoniorum sub dicta die propositorum, rescribendo—*Reprobata opinione, quod sufficiat præsentia Parochi purè materialis, seu physica, providebitur in casibus particularibus.*

5 **BENEDICTIONEM.** Benedictio Sponforum est danda, quando contrahentes ambo non fuerunt aliàs Uxorati, vel Mulier non sit Vidua, vel non contrahatur Matrimonium tempore ab Ecclesia prohibito cum Episcopi dispensatione; & in his casibus nihil in partita exprimitur de benedictione, sed exprimitur causa cur non fuerunt benedicti.

6 Præterea debet Parochus Formulam descriptionis supra positam ampliare, & restringere, & variare juxta Matrimonii circumstantias, puta quod debeat exprimere quando denunciations, vel earum aliqua fuerunt omiffæ ex dispensatione Episcopi. Secundò, si alius Sacerdos de

licentia ipsius Parochi, Episcopi, aut Vicarii Generalis, Matrimonium celebravit; tunc enim Parochus scribit particulam, & Sacerdos illam subscribit. Tertio, quando Conjuges fuerunt à Sede Apostolica dispensati super impedimento publico, & vigore licentiæ Ordinarii Matrimonium fuit celebratum. Quarto, quando de licentia Episcopi Matrimonium celebratur Domi: Quinto, quando celebratur in alia Ecclesia, quàm Parochiali.

7 Sciat Parochus, quòd, si Matrimonium contractum in Libro non describerit, peccati mortalis reus erit, quia spernit præceptum Concilii in re gravi, ut pluries firmavit Rot. *dec. 233. n. 11. part. 10. decis. 445. par. 13. & dec. 44. n. 29. par. 19. recen.* & coram Duno. Jun. *dec. 896. num. 3.* undè si in visitatione Episcopus inveniat eum in hoc deficere, reprehendat, & puniat.

8 Et tandem quæcunque ab Episcopo, vel ejus Vicario Generali circa Matrimonium contrahendum fuerunt concessa, & scripto ordinata, & dispensata, Parochus diligenter custodiat, & servet.

Descriptionis mortuorum.

FORMULA IX.

SUMMARIUM.

- 1 *Decedentes morte improvisa possunt sepelli absque licentia, dummodo non sint publici peccatores.*
- 2 *Pater prius presumitur mortuus, quàm filius.*
Quis non presumitur mortuus in pupillari ætate.
- 3 *Intersectorum Cadavera sepelli debent in Ecclesia, dummodo non sint publici peccatores.*

N N. fil. quondam N. ætatis suæ annorum circiter, degens in via hujus meæ Parochiæ, in communionem Sanctæ Matris Ecclesiæ ex hac vita decessit, & animam Deo reddidit die ... receptis antequam decederet omnibus Sacramentis, atque per me animæ commendatione adjutus, cujus corpus die mensis anni... *tumulatum fuit* in hac Ecclesia Parochiali N. in Sepulchro presentibus N. N. & aliis.

Ita est N. Parochus Ecclesiæ S. N. loci N.

AD-